

故宮  
珍本  
叢刊

明州阿育王寺志

等五種  
第二冊  
共二冊



故宮博物院編

海南出版社

故宮博物院編

陝西南山谷口考  
崆峒山志

烏石山志  
明州阿育王山志

南海普陀山志

第二冊(共二冊)

故宮珍本叢刊第 257 冊 史部地理類山水

海南出版社

圖書在版編目(CIP)數據

故宮珍本叢刊.第255~257冊,地理·山水,華山書、[乾隆]華嶽志、[光緒]華嶽志、陝西南山谷口考、崆峒山志、烏石山志、明州阿育王山志、南海普陀山志/故宮博物院編.一影印本.一海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06683 號

故宮珍本叢刊第 257 冊

史部·地理·山水

陝西南山谷口考 崆峒山志 烏石山志

明州阿育王山志 南海普陀山志

第二冊(共二冊)

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:22.25 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

明州阿育王山志第五卷目錄

神明效靈

四

郭子章

護塔靈鰻菩薩傳

釋贊寧

淵靈廟禱雨記

李柄

阿育王山志

卷五目錄

明州阿育王山志卷第五

泰和郭子章相奎父編

泰和楊嘉祚邦隆父校

△神明效靈

人貴於物物靈於人非謂倒置一念之真矧彼脩利自稱大權亦有羅漢役鬼因緣金沙之井靈鰻天嬌魚中有龍効靈非小人亦有龍自不知聖辜負已靈埋沒佛性志神明効靈

護塔靈鰻菩薩傳

靈鰻者不測之神物也按感通傳南山道宣律師

阿育王山志

卷五

問天神陸元暢曰四明聖井靈鰻應現如何荅曰護塔菩薩也寶塔東來相隨而至沿古抵今四方道俗以名香異花引而觀之咸見游泳於澄泉之內井在阿育王寺東可一里餘兩山夾路下可百步陰沉可畏故無旱曠陰霑常湛湛然中引脉而出冷然涌溢鰻也欲出則有二紅蟹先行若前驅耳身長一尺五寸其餘大小應量不可測也首鼻如龜龜聳雙耳腦有金星或現銀星其尾如鯉其色黃黑其鬚長銳潛泳水中有慢傲之趣盤旋梵下有恭遜之形天嬌焉蜿蜒焉掬而嗅無魚鼈之

腥投而沉無網釣之懼實謂龍類不藏者也泉有  
 飲者差疾滅罪相傳謂之聖井魚謂鰻菩薩也唐  
 僧宗亮詩云散盡殘雲碧甃開靈魚石縫露星腮  
 寒生鏡底長清淺泉脉流從印土來咸通十年刺  
 史柳韜判官蘇乘各領家屬遊寺遍觀靈跡不信  
 鰻魚捕入桶中封歸州宅約三日無兆卽烹之至  
 期開烹殊無所覩差人至井見游泳跳躍其年有  
 僧到寺禮塔三年爲誓有了角兒爲之供侍不須  
 工價期滿禮畢酬直不受乃告曰吾是井鰻助師  
 禮塔耳一僧到寺相貌奇異至井見鰻掬之歸院

阿育王山志

卷五

三

烹之既久唯留涎沫往井看驗巡甃而行貞明二  
 年錢武肅王迎舍利寶塔於錢塘造九層浮圖由  
 是靈鰻不見寺僧頰齋名花誘之無蹤咸謂往衛  
 寶塔耳同光丁亥歲十一月武肅王夢一菩薩首  
 戴結鰻花冠兩掖挾蟹因問大師法崇其故何祥  
 答曰是阿育王寺聖井靈鰻來護塔耳乃命近都  
 戴詮往井視之止見一鰻卽遣近侍吳頊五都將  
 何新同僧清福宗韜備香花往迎銀星小鰻時冰  
 雪正嚴而吸花宛轉遂於塔西就山根鑿三井安  
 之允遇佛生日道俗咸集必齋花至井誘之則躍

而出見者莫不傾心也癸巳年重修阿育王寺見

在聖井游泳方知靈鰻護塔來去無常不可思議

哉丁酉歲大師因勝充寺綱紀限滿交付下次見

鰻爲証同守碧甃經月無蹤上山伺之見在路側

仰腹青騰蠅蟻交咬同見僧雲相謂曰此是靈物

不可謂殞以木盛之埋於石畔俄爾見在井中騰

躍遂聞于文穆王降香敬之辛丑歲明州境上阿

育王寺界多風淫雨鄉老皆言靈鰻歸井頗有見

者寺僧惠與道侶數人至井見游泳跳如昔戊午歲

錢塘井亭煨燼井泉亦竭王命再造起磚井尋陰

阿育王山志

卷五

三

寶杳無遺蹤咸謂靈鰻已先歸四明聖井僧皓卿  
 上狀言王若建九層浮圖靈鰻自可迎歸癸亥十  
 月王遣錢仁晃褚廷昌押花舫設佛像選高德僧  
 昱從守賢子瞻齋寧預馬遠詣鄞山阿育王寺井  
 所開建道場卽日便得靈鰻子瞻又於露井得小  
 鰻同鑿盛歸明日威儀將發天飛細雪皆言天花  
 矣夜泊州西卽失小鰻衆皆驚異平旦舟發西渡  
 申刻已到餘姚其神速又如此既達江岸文穆王  
 躬扶鑿入廣興佛事戊辰八月中鰻見外井燭照  
 中井別見三五鰻交橫跳游泳時衆或見滿井皆不

可定也明州太守迎歸本廳作法會祈禱忽見青

菸而殞太守秘之送還聖井啟壘投之則舉跳入

穴矣嘗試論之曰南方澤國炎土山墟或習坎之

間或麓陁之穴在隰澗者謂之溪鰻處井窟者謂

之土饒今會稽應天者謂之螭蜃則大禹帝鎖之

南康江澔者謂之小龍則許真君禁之昔有不信

者或烹之化沫或食毒害人彼不附浮圖不護聖

迹猶或變化難測况此菩薩之應現耶或問曰既

爲菩薩水族何勝此嘉稱答曰華嚴會中微塵衆

類皆受佛子之稱經云法身流轉五道名曰衆生

阿育王山志

卷五

四

衆生與佛心更無差別相所稱何恠哉曰菩薩紀  
質分形故無定約何謂鰻類答曰且龍之變化也  
或鱧或螺爲梭爲鯉豈定形耶又應以此身得度  
者卽現此身而爲說法今觀靈鰻也護寶塔利羣  
生若兜率蜂王警諸天而談跋致靈山龍女破五  
障而趣菩提交光於星宿海中牙映於帝網珠內  
是知菩薩不必手擎如意身挂花鬘然後始謂之  
但隨所應現護寶塔耳贊寧輒搜旣往顯神化之  
無方安識將來在聖朝之獨久後之徵驗引而  
伸之矣宋開寶五年歲在實沈周朔旦左街僧統

贊甯述

淵靈廟禱雨記

乾道二載夏六月不雨農以病告郡用故事分遣  
僚屬並走群祀乃檄柄與權節度推官王道禱于  
淵靈廟鰻井且俾迎鰻以來廟在東郡三十五里  
阿育王山廣利禪寺井凡七相去數步水僅盈尺  
蓋鰻之所居鰻寔能致雨故歲旱又禱於是柄道  
被命以甲申至寺具香花集僧俱步入祠下焚香  
致意梵唄鏡鼓繞井三匝未見也柄懼齋戒弗虔  
無以格神之靈且亢暘之月久害必及民頃何以  
復于郡又再拜而告曰太守閣學趙公治民事神  
無不用誠幸以民之旱俾柄有求於神神何嗇焉  
羞淵潛而不見使千里禾稼坐至於槁甚非太守  
望神之意亦神之羞也少焉蜿蜒浮遊於祠東第  
二井舉沙囊以迎之遂躍以入僧俗驚喜咸曰鰻  
不常出也昔時至禱者率一二日乃見未有若是  
之速也乙酉以鰻入郡城置于白衣觀音寺建道  
場雨雖卽應而未沛然越己丑太守乃躬率群官  
致敬奉鰻于郡治禱焉是日天乃大雨明日又自  
畫雨凡三日高下霑足市井田野歡呼歌舞皆知

阿育王山志

卷五

五

所自逮壬辰又遣柄送歸鰻井既拜雲興雨作及  
 寺乃止翌日定海亦以鰻歸先我而至盤旋數刻  
 逮是之入已始俱不復見嗟乎鰻之為靈也昭昭  
 矣柄自念承乏劇邑公有租賦民有衣食其責在  
 已平時愚陋益已見於政事間當遇歲旱既不能  
 坐薪自焚示信百里深有愧於前古又豈能感冥  
 真之神哉竊謂太守有憂民之心神有及物之功  
 神之靈非太守之誠有不能格民旱非神之賜有  
 不能蘇吾太守以誠而致雨自念以始千倉萬箱  
 家給人足其神之力歟敢敬書于石若鰻之變化

阿育王山志

卷五

六

靈應聞于舊者贊寧傳云茲不復述

七月一日右承奉即知四州鄞縣主管學事勸農

公事李柄記

明州阿育王山志第六卷目錄

瑞應難思傷四

鄒子章

西晉劉薩訶

宋陳精

文帝

梁武帝

唐太宗

張太元

中宗

國清智暉尊

武宗

新羅僧

太守黃晟

錢武肅王

阿育王山志

卷六 目錄

宋高宗

孝宗

至元丞相伯顏

明吏部尚書陸光祖

范子鄰

程子鈇

光祿少卿江右徐杰

僧真緣

郡守張文奇

泰和郭孔陵

泰和郭孔太

司及徐如翰

明州阿育王山志卷第六

泰和郭子章相奎父編

竹邑蔡承植槐亭父校

△瑞應難思

我聞世尊神用莫測所餘舍利大海一滴一滴之水大海全收迷其廣大棄海認漚故此舍利波騰性海出沒隱顯神通自在或見異相或觀竒光難植者植慶喜洋洋志瑞應難思

西晉大康中并州劉薩訶弋獵為生病至死見一梵僧語曰汝罪重應入地獄吾愍汝故宜往洛下

阿育王山志 卷六

齊城丹陽會稽有阿育王寶塔處頂禮懺悔得免既蘇出家名慧達徧求會稽海畔山澤莫識基緒夜聞地下鐘聲精誠懇切三日寶塔從地湧出光明騰耀色青如石高八四寸廣七寸五層露盤四角挺然四面窓虛中懸寶磬周以天王及諸佛菩薩善神聖僧天神繞塔像極精巧達每聞鐘聲見塔悲喜懺禮瑞應頗多

宋元嘉中遣陳精并僧道祐廣興創建掘基下得石函盛玻璃鐘覆以銅鏡又金合盛銀罍安三法身舍利并迦葉佛爪一其色紅髮一莖仲之數尺

晉之成螺

文帝詔造木浮圖三級藏之竟陵王欲增成五級夢神告曰此塔三十年後有大方人增添

梁武普通三年敕建堂殿房廊賜額阿育王寺大同五年上座僧綬奏木浮圖窳損救岳陽王蕭譽增修至五層施金五百兩鑄金銅像四百軀寫經論五百卷鑄四大鐵鼎以鎮四角傳至武帝昭明二真安塔內晉尋取石函內舍利三顆浴之呪曰浮者進上其寢大者浮乃遣主書吳文寵僧璉等四法師同進因救免莊賦給兵士三千人置營防阿育王山志 卷六

衛一時名士傾心皈向

唐太宗時瑞現尤數永徽間處張太元聞塔前誦金剛般若垂拱間土曹唐玄默迎塔到越忽飛在西家屋上即送還本寺

中宗敕送供施詔僧栖曠如法香火

國清智晞尊者到寺禮八萬四千拜旋繞數周忽紫文印於臂方整明亮終身不沒臨終謂弟子曰眾聖封印心無虛焉吾定生彌勒內院矣

武宗澄汰沙門塔止越州府庫宣宗重興教法塔



大開元寺即山僧論請觀察判官蒯希逸判歸育  
至大中庚午歲正月八千餘人傳塔供養天華紛  
紛散落如雪衆以手擎旋取旋化夜初放五色光

明  
新羅僧盜塔手捧繞亭亘夜而行不離本處

太守黃晟迎塔歸奉化登舟頓重衆力莫舉

錢武肅王貞明二年十二月遣弟鐔并僧清外等

具船舫香花迎塔明年上元夜回止西陵岬祥光

照明江中如晝

武肅王躬扶絲舁從行至羅漢寺廣陳供養一僧

阿育王山志 卷六

頃戴手搦一角墮地隨手安著屹然不動虔禱至

晚其角星迳散始知神力補鑄

宋紹興間 高宗見光相殊特御書佛頂光明之

塔六字揭於塔殿

孝宗遣供奉李裕文降香傳宣迎塔五日塔至帝

素饗焚香瞻敬未有所睹屏左右再祈再禱忽舍

利塔尖上涌現如月輪相次日帝又祈禱舍利復

現寶塔兩角如水晶珠是日敕從廓入內閣法賜

妙智禪師之號日九日皇太子精誠祈禱舍利現

寶塔相輪第二層纍纍如水晶珠次年正月七日

帝於碧琳堂瞻敬舍利塔角如淡金珠是日書妙  
勝之殿四字賜本殿奉安

至元十一年丞相伯顏南征天下歸仁憐占加僧

錄安撫江南僧尼事明年三月奉旨迎寶塔五月

抵開平府百官四衆爭先迎睹如面觀紫金光聚

初三日車駕親臨玉塔寺致敬是夕瑞光發現貫

燭玉塔相輪之表自相輪分五色祥光東射禁庭

晃耀奪目天人共睹殊勝之盛未有若此

明吏部尚書陸光祖

萬 丙子居先大夫喪既襄大事以九月既望渡

阿育王山志 卷六

浙江上鄞山禮塔冀資先大夫冥福至則塔櫝藏

于寺僧之室余命僧奉至佛殿恭拜啟觀高尺有

四寸廣七寸體質殊異莫辨其何物所成中懸小

金釐覆如蓋徑可寸許舍利綴于釐之下圓轉不

定余初見如珠其大如芡實已如彈丸已加大如

瓜如車輪五色變幻光彩射日不可迫而視矣時

偕友胡考寧見白色大如梧子相隨二童子見如

菽粒青色餘人悉無所見遂懼喜踊躍重興塔殿

唐郭范子鄰母王氏不信三寶鄰逃東都依廣受

寺慶 律師出家忽思親歸寧父失明母已故三

載矣因詣巖廟誦法華求母生處其夜嶽帝召詣  
曰汝母禁獄現受諸苦鄰悲泣請免帝曰速往鄧  
山禮舍利塔庶可救也鄰即詣塔哀泣禮拜至於  
四萬俄聞呼鄰聲望雲端見母謝曰承汝禮塔之  
力得生勿利天矣倏然不見

明歙縣程子武其父中年乏嗣適友談及舍利塔  
之靈異迺欣然齋金往禱甚虔忽見舍利白光照  
映懽喜踊躍遂傾囊金以施即歸妻孕後產子武  
生而俊秀聰慧少年聯捷今為杭州府節推云  
明光祿少卿江右徐杰

阿育王山志

卷六

五

萬 已亥春搏頽暝拜禮畢捧寶塔而觀之初見  
有光如綿自下而上已而縱觀者久之漸見光明  
焜耀充滿相輪如玻璃琥珀旋轉不定於時問諸  
寺僧僧曰無見問諸從人從人曰無見余乃灑  
然異之時是二十一日也翌日余復竭誠求見從  
下眎之仰見黃光圓潔平如指掌熟視則成金龍  
蟠踞狀頭角崢嶸鱗甲具備第凝然不動爾前所  
見者光勝於色今所見者色勝於光余乃再問寺  
僧及從人復曰無見於是益嘆靈相之異也

明僧真緣無錫縣人三十祝髮為沙門法名真緣

道號慧廣遍參宿禮名山歷十六年得念佛三昧  
兼悟性宗萬 二十六年四月渡江卓錫四明禮  
阿育王塔舍利光中現釋迦佛法身師博悲淚曰  
某何德感如來有瑞相誓焚身以報佛恩道俗  
遠近來集疑信者半與眾別是月二十五日茶毘  
上塔山至是日師取香油塗身跏趺坐厝新四  
周口誦佛號足下火起師端坐岳峙而化

明郡守張文奇

萬 二十八年至寺禮塔自捧諦觀見鐘內火星  
五點光射塔外與眾同僚各視不一

阿育王山志

卷六

六

明萬 壬子泰和郭孔陵携男承昃至鄧峰頂禮  
舍利塔陵初見如黍米綴金鐘下次日復見白珠  
如芡實白燄籠珠外昃初見觀世音菩薩首頂小  
塔敷坐塔內又見一青龍喻二珠下垂等相陵遂  
頓上頂計銀四百  
兩拾兩重修塔殿并施七寶檀香龕供  
具種種

明萬 甲寅泰和郭孔太恭詣育王謁舍利初見  
如紅珠又如白珠禮補陀返脩梁武懺四日乃見  
兩金鐘懸四珠作珍珠色并觀瑞光種種遂捐囊  
金助修塔寺

明副使上虞徐如麟

萬 甲寅之七月仲予居先君喪襲葬以後約同志者南禮補陀為先君祈資冥福返之遂至鄞山瞻禮焉同行者為董信伯張孔時陶君與余家六兄伯瑞七兄伯趙九兄伯兼季弟伯神而豫章郭太乙常山詹仲光則皆後先至補陀遇諸途而過從者也初捧塔視之見塔內懸一小金鐘鐘內綴一白珠或如黍米或如豆或如蓮子雖大小稍殊其為白珠同也獨季弟則見一物如新菱出殼兩角垂絲絲綴以珠張孔時見珠色如蒲菊為少異通

阿育王山志

卷六

七

視將周信伯方旁睨忽大叫曰塔內露紅光一片如桃瓣莫可迫視余私念舍利光稍稍現矣獨恨根緣淺薄不獲一覩靈異因遁取塔再捧之纔入手見金鐘冉冉下垂長大與塔等鐘東南角放金光宛曲若電光止處結一金蓮花大可寸許花光灼爍流轉作飛舞狀倏化為兩鐘並懸鐘角俱有明珠晶瑩皎潔宛然月光少頃則兩鐘復化為兩金蓮倒垂若覆時陶君與亦見兩鐘頗與余同余每觀一奇輒大聲稱揚曲道其狀旁聞者罔不歡喜讚歎合掌投體而退

明州阿育王山志第七卷目錄

福田常住郭子章

大唐越州鄞縣阿育王寺常住田碑萬亦龍

育王寺碑後記子季友

上塔般若會碑李派

廣利莊記釋本暢

報本莊塗田記戴良

阿育王山志

卷七

開州阿育王山志卷第七

泰和郭子章相奎父編

鄞邑屠 陸緯真父校

△福田常住

照世者火傳火者薪食輪先轉繫我有身如來應供維摩托鉢香積國中喫飯成佛古人耕鉢我今耕田雖曰違律九田者禪暖衣飽食爾今何為三學勤修胡患鐵圍志福田常住

大唐越州都督府鄞縣阿育王寺常住田碑

我聞語寐滅者本之以不生而菩薩不能去資生

阿育王山志

卷七

乙

立法談逍遙者有之於無待而神人不能亡有待為煩吉祥之降帝農教以耒耜蒼靈之下后稷俾其播種故維摩之毘耶稽首持鉢尚詣於香積釋迦之孤給洗足著衣猶乞食於舍衛是知夫食者不獨乎人天農者豈唯乎政本阿育王靈塔寺者晉義熙元年之所置也昔孔雀氏宿童子之因果當金人之授記暨鐵輪位正寶塔功成計鳥道之千里占人寰之一勝夜叉密跡以飛行神僧護影而圍繞跏趺方壇氣象已萌青石之符而員頂光明業質白雲之狀迨觀音應現而指迷利賓虛求以

昭發全身踊出憇如多寶之音一瓜圓開宛是

耶之相神其不滅道在茲乎晉 安帝允釐三才

成就六度聿圖蘭若式印招提景行阿育王故以

育王靈塔為稱道徒觀夫輪奐規矩鈎繩紉製珠

軒翠檻延袤中霄玉甍金池周羅上界環海之下

流元氣大地為衣圍山之上結太清諸天作蓋信

方廣一都之會也左赤岸而十里右青田而一曲

霞標蒼蒼幽迷鬼谷之祠日剎晶明的的識

人之館天花未雨宿傳龍界之香地賴無風時起

魚山之梵則知定光諸佛悔天台之赤城羅漢群

阿育王山志

卷七

三

仙謬崑崙之元圃口口法惟神授道乃人宏向使輪柯王昧巴連之因初微此塔迦葉佛晦闇浮之跡殆曠茲山蓋虛明之絕境不可得而思義者也粵寺東十五里塔墅常住田者宋元嘉二年奉命之所立也宋文帝秉錄御乾作娑羅之外護感闍耶子砂椶之供制賜是田梁武皇樞樞臨極為寶應之下生見阿育王金粟之果勅蠲其賦日月盈止既有命以自天陵谷迭居終不動其如地梁普通中沙門僧綬茲寺之應真也以發行為道場以直心為淨土聞純施良田之喻遂篤志焉既種既

戒載芟載柞察地道之化成觀天道之時變悟是  
 身無主口口始以常住名焉次有僧濟上人虛已  
 淨心紬茲惠業披衣畫其膝持戒整其羶畔苗  
 而不秀有恨何及逮陳隋之季喪亂荐主農野蕭條  
 鞠為茂草我皇家執大象乘飛龍陟丕上帝之耿  
 命紹復先王之大業有山棲曠和上道尊人傑德  
 貴天師中宗孝和皇帝親降璽書願同金輦擊鼓  
 而陳其入國造船而捧其登座故知二乘行道不  
 避未證四果適時還陞紫殿雖植眾德本作南山  
 之福田種諸善根存東臯之淨業初湖之左右夾

阿育王山志

卷七

三

播落青園之寺可為長太息者矣有惠炬闍梨德  
 業淳脩曾統緇領道勝之韻生而能言禪悅之味  
 老而彌篤用能纂其終始高軌可追庀其委積長  
 筭斯遠與法言沙門俗姓喻氏貞已密行惠心苦  
 節今屈知聖任垂將十年先是烏鹵未戾塗湫未  
 濬臺禪霧奮湧于農郊夫其心畜制度瞬目曲折  
 荷錘畚土埋窪鏗凸墮竹落捷石甬漑高湊仰增  
 卑陪薄分熬水怒承達出氣填拊遊盪而時至餘  
 彼寬緩而不迫終古旱害浸以汗潢冬不祈於積  
 雪夏無榮乎小雨由是湖有千金之號焉當其春  
 鷹司載田事既飭產乎甲毓萌芽或薦或莖實穎  
 實發上農臺而課長羸復陽之稼如雲矣及夫寒  
 蟬記時農乃登穀衰積聚築塲圃乎不遺秉羸無  
 口口口口庾而督收成海陵之倉非衍矣詩云倬  
 彼碩田歲取十千其是之謂乎百穀既蒸萬供既  
 設滿以衆香之鉢薰以毘耶之城或異聲聞若化  
 菩薩虛高座以影集時洪鐘而雲臨敷座而坐飯  
 食經行臭若香風味同甘露遍滿一切周流十方  
 聞之者得未曾有食之者咸登正位白衣之會龍  
 國無掘鬱金之香緇懷之集雞寺不碎菴羅之末

阿育王山志

卷七

四

三藏大德知食金之可貴一需沙彌識麩粉非重  
 資我飯色師之力歟都維那玄宗遊方觀化六融  
 慈誘火耕水耨常有助於上農飛杖浮杯合載行  
 乎中國上座釋辨疑十城之僧主也神清氣合金  
 杵發其休徵寺主釋惠敏九州之維那也風骨天  
 成鉄鎮起其靈相咸能以如來之衣衣分如來之  
 座坐護育王之靈塔願資金錢記育王之聖田思  
 模石柱弟子早接蘭書式典駢驎之閑晚遊蓮跡  
 每祭鸚鵡之林賓頭盧之下空亟見有能之師子  
 舍那私之入寺豈謂無知老人識異博文才非能  
 阿育王山志 卷七

五

賦阮公不事曾供香花願越有緣遂瞻碑版滿笈  
 多之石室未擲其籌對輪王之金地且耕其筆多  
 羅之葉而書偈云 渾儀草味象物紛拏或甲而  
 已或萌而芽萬殊成類百寶攸嘉故后櫻布其種  
 口神農嘗其華燧人更運火正司臧教以鼎飪炊  
 之黍稷易茲毛茹成此粒食是之爲人天是之爲  
 皇極我聞維摩曾語舍利如來大慈其露上味又  
 見阿難聞是香氣亦有以飯食以之爲佛事若長  
 者主若聲聞入天諸居士地虛空神如聞飯氣而  
 亦來臻況生生之位有待之爲身倚與童子供養

砂模法主大慈冷然虛受伊鐵輪以授記從滅度  
 後何寶塔之莊嚴得未曾有烏道於許人案在哉  
 鬼神冥運風雨潛來自雲踊出青山半開舍千輪  
 之蓮跡建百福之花臺宋帝下生梁皇外護太稷  
 賜疇司農獨賦臯壤映發湖源灌注既魚鱗以左  
 右亦大牙而盤互苗畝平秩臺笠來思爰疏畛畷  
 是務鋤犁三農奕奕萬畝祈祈自膏腴而兼倍矧  
 雨露與華滋踏茲開土賞功司過凡以犒勤所以  
 肅惰東作方喜西成是課始象耕而鳥耘終牛春  
 而馬簸千箱既積五穀斯分味蒸其露爨涌香雲  
 阿育王山志 卷七

六

孰云菩薩而謂聲聞搏須彌所不能盡曷毘耶之  
 足薰藐爾赤松猶田白玉矧伊塔寺神通付囑信  
 矣育王能生金粟彼鄭國之泥紫如富郡之水綠  
 我來自東經行成趣淨業斯闢善根方樹式紀因  
 緣匪存章句庶金田與石柱山巍巍以常住秘書  
 省正字郎萬齊融撰

育王寺碑後記

此寺碑記嘗爲寇盜墮壞久無豎立有好事僧惠  
 印錄寺舊文藏於篋笥又與老宿僧明秀志詮寺  
 主僧志仁上座僧棲雲都維那僧巨嵩會議重建

其碑焉余美其樂善會剡越間有隱逸之士曰范的業文功書未遇於時常萍泊雲水間一日扁舟至明余邀以書之添勝境遊觀之一事畧既端由於碑後云太和七年十二月 明州刺史于季友記

上塔般若會碑

紹興丙子大慧禪師宗杲得旨住育王廣利寺師還自嶺南既主叢林湖海衲子輻湊聚衆一千二百法席爲天人師廣利素號望剡至是食口弗給有大慧高弟擇微者衆推苦行號微高僧慨然而起曰吾事大慧責居遐荒逮茲去此十有七年萬死一生備償難棘今龍天歡喜祖道中興謂爲緣化之倡乃帥同志二十輩化八萬四千信士各捐已帑名般若會裏爲求田供衆之資時郡蔣式卿方公滋首爲之勸遠近樂施財帛雲委未幾大慧有旨移住徑山其嗣大圓璞公繼之乃令其徒彦平就奉化東材請官地海塗圩而爲田工 噴浩博以般若會所儲用之不足又請大慧衣鉢助之合金十萬緡施及三年而大圓順寂衆又以其嗣今住持普門廓公繼之時丞相岐國湯公思退當時

阿育王山志

卷七

七

大慧爲方外友捨金協濟又得無相大師靖公捐財建造莊院名般若莊自紹興戊寅至乾道丁亥始克有終侍御公伯庠作記以美之而後大慧遷化門人弟子傳法住持遍九天下獨微公卷而懷之退處廣利上塔禁足一紀不出門限一飯之外不按俗務看閱藏經已七過矣達官貴人招之不去其高致追媿古尊宿豈今日學道者所能彷彿乾道二年春予以先公太監大祥至廣利作佛事因訪微公公與大慧皆先世道舊相見慰藉久之論及塗田首尾實微公權輿又欲令小師祖印募緣甃砌大嶺之上塔磚路數千丈且曰他日路成人將塑像大慧大圓普門三善知識塔院後舍配以造塔真戒大師振公以八萬四千信士名銜函貯其上誓將朝夕齎奉以爲善知識祠堂香火惟子爲我記之予巽謝未遑旣畢微公令祖印持書扣門其請愈堅且曰子不我記非獨慢我是慢大慧予不敢辭乃爲之說曰釋迦如來以提婆達多爲善知識故蓮華經云提婆達多爲善知識故令我具足六波羅密又妙莊嚴王本事品云若善男子善女人種善根故世世得善知識其善知識能

阿育王山志

卷七

八

作佛事示教利喜今入阿耨多羅三藐三菩提予  
仲二子以訂微公諸方衲子多見善知識者必有  
其人能辨緇素則一生參學事畢脫或未入其可  
以下度耶謹記淳熙二年六月脩職郎前兩浙東  
路安撫司准備差遣李泳記

廣利莊記

皇慶二年春月屆孟陬育王住山佛日普光大師  
書廣利莊目錄余文以昭不朽按師莅事初慮產  
薄衆多時或不粒大德八年偶余病廢塗田出售  
隸奉川之梧巖遂勸于衆得前昌國州廣福寺住  
阿育王山志 卷七 九

持碧海克寬及石山惟分水房希壁皆寺之耆宿  
也翕然而和各出錢若粟所用幾三萬緡石山水  
房半之而碧海半之以共集斯事於是代石偃功  
具畚鍤芟蕪穢作岸捍堤防潮汐之虞是歲臘月  
田成莊備而莊田廣利焉歲登穀千計聚山資水  
利計亦若干輸公外搏之以準脩墜隄岸後始併  
斯田與夫山資水利歸之寺用贍多衆乃位四師  
於莊而祠焉夫以廣利目莊則稱誠廣矣彼耆夫  
守金玉平時一豪莫利於人而卒爲五家所比較  
之斯舉固相懸絕其後之來者因知成市籍

艱謬悠而居似倪而事寧不有孤厥謀有能於食  
等者於法亦等於法等者於食亦等則師市田建  
莊之意爲不虛施師諱德明字東生鄞之昌國人  
住山今十有五年矣延祐三年孟冬文溪沙門本  
暢記

阿育王山廣利禪寺報本莊塗田記

客有自四明來者以阿育王寺住山約之裕禪師  
之書報本莊之事狀告曰願有記也予發書按狀  
自奉化東行七十里其地橫枕大海岌乎其不可  
持者黃賢磧境也以言其闢田而莊之者則寺沙  
阿育王山志 卷七 十

門輿公也以言其所以作之利害縣民應氏林氏  
諸人嘗於黃賢磧磧築海爲田是爲西成南成寶  
慶豐嶼制幹下坂侯家西塘盛舉歲有風淖恒捷  
木實土爲堤時其懷而治之元至正乙巳風悍淖  
怒而於所謂隄者日已齧去 國朝洪武戊申風  
風復大作遂廢其田復爲塗泥而賦粟猶他日鄉  
之老人周覽而歎息曰是其爲患庸有既乎則又  
相與謀曰輿公德可弭難而才可植業苟協誠歸  
之吾屬其少休乎應氏林氏具以其事請且約隄  
之之後其田皆公有也公固辭而請益力則慨然



曰宜洛住山約翁禪師圖之先師雪窓光公住茲山之日嘗以僧劑不繼欲增廣土田以贍之有志未就而化去應氏林氏以是役而投告是天與也且有以舒彼之急亦報吾之師矣禪師曰然首捐資助之於是代石于山轉木于海度功即土率徒相宜導其流而塌之土泥故堤之北以為其巨粟以植之大松以寢之貫以木杙聯以竹繩傳土於中帖石於外槩視其堤無有罅漏衡從參錯若以櫛然而又二為礮以漂海水之洄洑衝薄昔者蛟鼉魚鼈之場今則膏土沃壤而源曰之聯絡乎

阿育王山志

卷七

東阡西陌者井井也以言其制之大小用力之多寡則隄之長四千尺廣五十尺高殺其廣三之二田以計者一千七百有奇莊以間計者二十有五度費工傭六萬錢九萬緡米三千石經始於冬癸丑之十二月二十有四日後乙卯秋九月十日而功告訖也寺之勤舊承全等能相以力焉以言其始終作謀則鄉以事白之縣縣上之府其老於事者行視可否然後報下如所議而速公以蒞之公復與老人約曰吾學佛人也固將以利民豈可專其田以利富與若等共之可也乃為立契券仍請

有司署其積而秋賦之出於田者已則任之遂集得田之家授之如約中有欲售於公則厚與之直其南成田之出佃東山寺寶慶寺田之屬寶慶田者每歲輸稅尤困苦至是德公之為咸願以田讓公忘償之直而後受莊成請禪師大書今願益不忘乎其師也噫何其賢也世恒言佛以利益天下故其集事之易每如此而不知其徒之賢亦多有以動人爾公之為人寬平而有守恢廓而有為有守合乎仁有為合乎義吾所謂賢而動人者也况是役也能知因民所利而利之而又不以其利歸

阿育王山志

卷七

諸已又知其師之恩已而思有以報原其所為一皆禪師福緣感化是宜信從者眾而其成功直易今也然所以致茲成功之易易者其教使然耶抑亦其徒之賢有以動之也嗚呼此禪師所以欲其有紀於後也而不没人善如此亦以使後人皆知所報也公字象先元與其名台州臨海人早從雪窓祝髮于姑蘇之開元寺及遷阿育王又從之歷職嘗改作寺之西塔構塔院及置鄞縣王家塘田三百畝崎頭莊後出世說法同郡之明覺撤其寺新之遷岳林今陞阿育王俱有成績可紀云洪武